



錫山遺響卷之八

倪御史

名敬字汝敬號月樓正統戊辰進士累官河南道監察御史有風裁言事忤旨左遷

趙太祖蹴鞠圖

小苑垂楊弄晴碧萬幾餘暇同歡集錦毬交蹴往來  
頻落花流水春無跡君王奮袂張虬鬚宛似驪龍夜  
戲明月珠侍臣卻立一回首仰拋紅日直上青雲衢  
宮靴撲簌騰香霧紫鳳翻身彩鸞舞星移斗轉經幾  
時回首月華過十五

黃鶴樓

黃鶴高飛幾千載黃鶴高樓今尚在黃鶴山

不復

回空餘江水東流海江水東流春復秋昔人  
入愁憑高日暮望鄉國碧天空闊雲悠悠  
慨今

鸚鵡洲

芳洲水暖蒲芽吐健筆何人賦鸚鵡江山不解壯登  
臨徒使行人悲往古書生才氣銳於鋒曹黃二子那  
能容君不見南陽人龍正高卧三顧起來續炎祚

采石月下懷李白

金鑾殿上揮毫手金龜來換江南酒酒酣夜着錦袍  
遊采石磯頭月如晝一自騎鯨飛上天大音寥落幾  
經年長江不盡東流水明月還如昨夜圓沈香亭畔

花開處繁華已逐浮雲去夜深風挾亂濤喧彷彿  
成泣神鬼世事無端古又今我來懷古不勝情文  
萬丈光華在化作銀河一帶橫

過洞庭思范文正公岳陽樓記

長帆百里乘風舉巨浪茫茫浸荆楚自從混沌剖裂  
時勢與乾坤互吞吐孤城遙見是巴陵城上危樓猶  
數層江山都在闌干角懷古情深不忍登昔賢五色  
如杠筆倒捲銀河翻几席先憂後樂此時心萬古中  
天懸白日我亦江湖作遠遊寸心長繫百年憂三湘  
南去叫虞舜蒼梧日落雲悠悠平洲芳草齊男長

吟不作騷人怨一聲風笛鴈茫、回首君山  
除遠  
惠山泉

噴壑西來起白虹奔衝勢欲倒危峰雙池涵空浴兩  
曜一氣化雲從九龍香帶落花紅滾、細穿脩竹綠  
溶、一瓢會入調羹鼎未必中冷世所宗

余伴讀

名季樞字拱辰號玉菴  
膺薦累官楚府伴讀

賀楚王生世子

忽報藍田產玉芝山川鍾秀應昌期星輝璇極祥先  
兆派演銀潢慶有基閭苑靈椿深國本蓬萊仙果茂  
宗支老臣豫辦千秋祝一歲還應進一詩

送吳都憲琛至黃州因過樊口登九曲亭

偶逐僊舟過武昌翠微深處扣雲房金仙臺殿煙霞  
古坡老祠堂竹樹荒空有文章留勝跡苦無燈火續  
餘光盤旋九曲下山去滿耳泉聲正夕曷

遊洪山寺和韻

壺絡青絲戒僕提出城東去又城西玉驄知路無勞  
策石磴緣雲不待梯老衲下堂迎客慣浮圖插嶺逼  
天低年來還有驚人句莫向松間覓舊題

回文

酸鼻感來愁上心鳳釵金折鈿頭簪殘花落  
蒼苔

古怨鳥啼時綠樹深寒榻雨聲風打竹夜聽梅影月  
籠琴檀爐滿炷香煤火純素披霜白髮侵

劉東平

名弘字超遠號梅堂正統四年貢士累官東平州知州

長垣除夕

今宵臘盡竟忘眠共向高堂醉小筵銀燭剪花聽報  
漏緋袍懸珮候朝天幾多民事關心上四十光陰半  
客邊起傍赤欄干外立東風漸覺近新年

題報恩寺方丈

地僻臺高十畝寬偶來送客暫盤桓窗含碧嶂市聲  
遠門掩白雲秋色闌聽法毒龍潛鉢冷引雛瘦雀怯

巢寒殷勤衲子留清話自汲松泉煮月團

陸益都

名志字仲熙號冰菴山監生任益都縣知縣

飲鄰家雪樓

築樓高傍碧溪濱窗戶玲瓏絕點塵綵筆蘸雲題句  
客綠簑披雪泛舟人闌珊歲事催人老次第春光轉  
眼新隔岸梅花深有意寒香飛撲酒杯頻

賞徐園紫薇花

名應星垣色相奇不將濃艷媚春時賞筵雅愛臨歌  
扇草詔曾看落硯池謾誦泛香元獻賦朗吟爲伴樂  
天詩月明風爽南州宅衰老空辭酒百卮

過聽松菴有感

萬壑閑雲滿徑苔松關剛對翠屏開翻經座冷猿長  
往施食庭空鳥不來塵翳中書留畫壁雨荒丞相讀  
書臺石泉澄澈僧留茗兩腋清風一快哉

觀泉值雨用少師姚公韻

冒雨登山踏翠苔僧房高下竹扉開已看佳節三秋  
盡又喜餘生一度來玉版禪機應自悟金蓮根本是  
誰栽行臨仙境空流水安得胡麻飯一杯

盛亞卿

名顯字時望號冰壑景泰辛未進士累官刑部侍郎都察院左副都御史所著有冰壑集

巡閩留別周本澄

九萬扶搖振羽翰西風吹我上征鞍江湖聚散渾萍  
梗雲路飛騰總多冠衣染御香閭闔曉劍橫秋水斗  
牛寒閩南病草知多少行見均霑雨露寬

束鹿感懷

直道行吾志無慚柳士師君恩如可報萬死亦何辭  
諫諍慙無補奸邪骨已寒冥冥天地眼應照寸心丹  
百里司民命民情惜未知願將新雨露遍洗舊瘡痍  
化鱷思韓愈憑樓憶仲宣此情無處著落鴈滿斜川

登襄陽城

青天橫老眼萬里楚雲開峴首碑仍在檀溪水不回  
空城悲鼓角斜日澹樓臺千古英雄恨銅鞮陌上埃

奉天殿早朝

玉漏聲沉曙色開金爐香起入蓬萊日臨三殿朝龍  
袞珮合十官近上台道德萬年周社稷華夷一統漢  
樓臺老臣幸際明良會願播皇風遍九垓

環瀛樓秋望懷王太宰

片月流輝燭海濤碧山繚繞此登臨幾年接武懷仙  
侶千尺凌風振素襟欲報瑤音雲氣隔漸看霜髮歲  
華侵廟堂江海皆無繫閒聽秋臺老鶴吟

宿松風閣同錢章靖潘繼芳限韻

涉跡商郊世已淹石潭容得老龍潛  
壑山色和雲漫入簾一竅有天通萬象六塵無地着  
毫纖此遊不減香山樂賡倡爭誇格律嚴

周御史

名清字本澄號蘭室景泰  
辛未進士任監察御史

送焦知縣陞御史

龐統原非百里才天書遠召入蓬萊花封莫挽仙鳧  
住柏府其如驄馬催滾、離情江上水蕭、行李擔  
頭梅明年此地經巡處帶得風霜一道來

送阮教授還鄉

閩荆教鐸兩馳聲捲道南還薄宦情夜月候門懷稚  
子春風講帳別諸生忘機鷗鷺心偏狎動地波濤夢  
不驚三徑菊松知有待白頭願結歲寒盟

侯蠖室

名讓字邦  
正號蠖室

鼎湖

鼎湖龍去不知秋湖水依然入海流僊仗凌虛嗟帝  
遠烏號墮地是誰收天空鷗鷺聯翩起波暖龜鼉  
顛浮西望崆峒重迴首白雲千里去悠悠

蒼梧

蒼梧極目路漫漫翠輦南巡竟不還朝珮罷臨三及

土愁雲長滿九疑山簫韶有曲鳴天上鳳鳥無聲到  
世間千載皇英悲未歇淚痕猶染竹枝斑

夫椒山

曾聞吳越此交鋒回首蘇臺霸業空當日空岩流戰  
血至今衰草起腥風裹屍國士浮江上覆面君王死  
甬東若論滅吳功第一捧心人在館娃宮

戲馬臺

泗水東來不盡流彭城弔古暫停舟沐猴誚語當時  
起戲馬荒臺此地留殘雨淒涼花泣淚西風蕭瑟草  
生愁山河自古歸真主亞父軍中錯用謀



飛燕

姊妹雙：入禁闈一朝歌袖換宮衣身依天上真龍  
卧心逐華間赤鳳飛禍水深憂炎火滅恩波太息后  
庭稀掌中莫失輕盈足踏破長安舊帝畿

狄仁傑

扎雞聲裡夜茫然唐室無人鼎欲遷太子十年恩誼  
日相君一語力回天奸諛侶草鋤將盡國祚如絲斷  
復連若論中興諸將相此翁勲業合居先

馬援

銅柱高標漢界分兵臨浪泊詎堪論陰霾密鎖飛鳶  
墮潦水橫流毒霧昏北虜已降來遠貢西戎不敢犯  
中原功成自古多讒諫身後猶啣惹苒冤

綠珠

畫樓歌舞樂青春樓下兵來為妾身請向尊前先效  
死不求君後更從人啼鴉血濺瑤堦草化蝶魂迷錦  
障塵覆滅邦家是尤物後庭玉樹鑑亡陳

疑塚

疑塚營成七十餘積來元惡寸心知生前已把皇綱  
誤死後還將地理欺南國碑銘文相墓西湖血食岳  
王祠至今童子聞奸宄亦欲開棺共斬屍

周瑜

赤壁旌旗蔽日紅周郎一戰漠然空吳王社稷包桑  
裏魏武艨艟燥葦中壯節正期居宰輔老天何遽奪  
英雄可憐三國交兵處苦竹寒雲鎖翠叢

鄒梅雪

名驄字宗桓號梅雪邑之徐唐人

過南湖草堂

草堂正在南湖邊白沙翠竹秋娟、蒲芽蘆葉相間  
綠歌聲款乃來漁船堂中主人最儒雅懷抱無縈更  
蕭洒鏡天影裏絕塵氛酷愛吟詩自陶寫朝吟不暇  
擲暮吟忘其饑胸中自有一種趣趣高不使他人知

桃花流水迷紅霧春漲初生桃葉渡白鷗數點亂山  
青飛去飛來自朝暮主人與我交忘年數月不見心  
茫然相尋何日放舟去一竿同釣滄波煙

題鈎勒竹

夜深明月浸瑤臺晴雪初、點翠苔玉笛一聲秋意  
早素娥騎鳳下天來

華集義

名濤字祖芳號集義

題小蓬瀛

東海奇峰載巨鰲何年移措傍南皋蒼々對戶規模  
小兀々凌雲氣執高洞口碧流通弱水樹頭朱實熟

蟠桃登臨每約安期輩共醉春風玉色醪

過野舟名眼字時霽野舟所著有窺山初集

### 姑蘇懷古

看遍吳山意未休漫尋北柳過長洲歌臺人去添新恨香徑春來感昔遊張翰獨旋千里駕鴟夷不返五湖舟欲從野老詢遺迹燕麥青青動客愁

過王惟允墓在膠山

飄泊天涯萬里身何年歸葬此山垠高才未惜馮唐老薄宦堪憐杜甫貧夜月未歸遼海鶴東風誰薦楚江蘋不堪羸馬經過處零落梨花細雨春

### 高梅菴

名直字惟清明梅菴所著有和體唐詩海長嘯遊杭集

### 無題和韻

常記青春二十餘蓬萊曲伴列仙居花枝有意勞相妬綵筆無情画不如九畹紫蘭頻入夢三山青鳥幾傳書自從恩譴長門裏一任浮雲掩太虛

鏡裏朱顏去不存羞將華髮沐金盆東風捲地春無跡西月窺簾晚有痕長捧香爐迎帝子誰提博局伴王孫多情十二峯頭路夜相思入夢魂

雙鯉迢迢信息沉三山望斷五雲深春回小院經寒食日落長門急暮砧惟患離憂生白髮敢將詞賦換

黃金東流江水西飛燕消盡思君一寸心  
不見人歸夢裏舟無窮秋思轉夷猶蛾眉近日憑誰  
畫豹枕多年爲我留百刻漏沉窗送曉六銖衣薄扇  
驚秋此身願化雙飛翼去上到蓬萊最上頭  
雲散高唐失舊蹤多情夢斷一聲鐘淚添曉雨啼痕  
濕眉鎖春山別恨濃長空翠華來騶裏不採鴻寶鍊  
芙蓉緘題欲寄青鸞去知在瑤臺第幾重

和秦廷韶太守經嚴子陵釣臺

幣聘徒煩使者勞羊裘原不換宮袍一竿風月添光  
價萬里雲霄惜羽毛世祖且包天地闊先生名並斗

山高文章太守經祠下自采江花薦濁醪

鄒佑之挽辭

年時嘗過美人家隨處登臨玩物華象管畫欄題芍  
藥鷓絃鐵撥響琵琶百分觥勸嬉春酒十丈蓮舟藏  
解語花今日重來仙化去蕭蕭風木亂慈鴉

分題得烏程酒旆送謝世脩郎中歸黃巖

雲開遠見海鹽州一幅青旗出畫樓流水小橋斜日  
裏杏花疎雨短牆頭停車不用逢人問解珮多應散  
客愁粉署仙郎榮畫錦春風引入醉鄉遊

和定襄伯郭公登防邊詩韻

沙塞陰風夜怒號，關山歸路夢勞勞。  
鏡中勲業憑孤劍，畫裏形容改二毛。  
尺雪不凋蘇武節，百金新飭呂虔刀。  
何年奏凱論功賞，卻得君王賜錦袍。

和王司成喜子希曾登春闈詩韻

捷音飛下鳳凰臺，報道郎君復占魁。  
金榜甲科專兩世，青雲相業繼三槐。  
心傳家學文章印，名重朝廷柱石材。  
直待御屏風隔，先生方好說歸來。

山庄行樂呈逸老亭主人

步障圍香隔軟塵，山靈不恠往來頻。  
向年已了從前債，康樂休疑幻後身。  
酒伴詩僧驚老大，林花澗草鬪清新。

多情為問閒風月，曠達如公有幾人。  
小車將路不驚塵，花裡行廚送酒頻。  
清事漫酬方外約，黃金難鑄夢中身。  
漁樵分席情懷好，櫻筍登盤氣味新。  
有限光陰且為樂，白頭多少未閒人。

吳藻菴

名和字鳳翔號藻菴所著有錫山志金石錄

郡城築完賀孫太守

重城金斗鬱崔嵬，氣壓東吳亦壯哉。  
版築暫勞民庶力，設施真仗府公才。  
天邊粉堞連雲起，江上青山入郭來。  
欲賦出車聊頌德，平明時節待關開。

雲樓為莫文懋題

思親日：上高樓一片孤雲黯不收光澹夕易連帖  
此氣含春雨濕松楸眼前風物何蕭瑟夢裡形容總  
繆悠遼鶴欲招、不返倚闌望斷使人愁

送秦大參廷韶之閩

膏車秣馬促晨興且盡離筵酒數升賸有才名繼常  
袞可無詩句弔嚴陵春耕農故分行小夜作人家不  
禁燈別後有懷空仰止閩山高出白雲層

陳遜菴

名履字天澤以字行號遜菴肖梅先生八世孫

莫節婦

嗟：莫節婦少艾居瑯獨矢志不移於焉謝膏沐

抱孤日哀號存祀義尤篤貞心付柏舟悲歌感黃鵠  
篝燈夜辟繡恒伴孤兒讀兒長成才賢家業致豐足  
節婦躋高年華堂享遐福未荷旌門榮歛嗚里巷哭  
懿行美無瑕瑩然潔如玉縉紳皆咏歌足以勵頽俗  
飲野翁堂次秦景易韻

野翁啓清燕充座皆良朋詩章各言志禮義油然而興  
雞壇久寥落盟言今重徵四海旣盍謚賢俊咸陞登  
吾徒任樗散修檢宜從繩紉蘭以爲佩剪棘以爲懲  
願繼前賢躅聲實同蜚騰

遊玉山亭次秦景易韻

人世清平歲事豐登臨不放酒杯空竹枝低映吟袍  
綠楓葉反欺舞袖紅擊壤謳歌同野老忘形蕭散傲  
王公玉山亭上招孤鶴雲外逍遙肯受籠

己卯歲寒食書事

楊柳青 屬禁煙誰家兒女掃松阡獨嗟滯跡麟溪  
上望斷西神一愴然

先壘在西神山  
下時予年廿九

錦江舸為成僉憲題

使君結屋近滄浪瀟洒如乘一葉航楊柳風吹珍簟  
冷芙蓉露濕繡衣香百花潭水疑相接三峽波濤險  
不忘夢想武侯祠下路蓬窗煙雨正微茫

和答莫善誠

草堂叢桂蔭清泉愛爾藏脩斷俗緣萬事不干方寸  
地六經靜究性中天顯親志願超群輩報國忠勳在  
盛年聖主求賢圖至治未容林壑看雲眠

次韻答張黎平元之見寄

使君別去舊盟寒忽領新詩拭眼看清操久持當世  
重雄才試展遠人安幽蘭採得聊相寄細菊栽成擬  
獨餐引領西南增悵望人生會合古來難

八十自述

吾年登大耋心靜得身安鄉飲叨賓席家居樂菜盤

目昏稀作字髮短不勝冠老享昇平世皇恩報已難

草堂

名鼎字鳴吉號草堂所著有草堂集

題陳行之風翰亭

縹亭人似玉堂仙月肺雲肝瀉峽泉辭藻引毫歸寶  
唾筆花拖夢上蠻箋墨池暖漲桃花雨書壁涼飄柿  
葉煙氣窄紫熬清淺水神遊黃鵠冷寥天紅馘價博  
黃庭卷白雪聲和錦瑟絃五鳳文章天上待三都詞  
賦洛中傳荷巾未逐秋風老鏡硯磨雲已半穿

題秦氏南湖草堂

頻年魚鳥識風流家在南湖煙樹頭隔檻殘雲飛白

鳳漫沙曲水走青虬浣花茅屋牽蘿補南里芝田為

鶴謀詞客醉看書葉字小娃歌踏採菱舟掀髯華月

生蓮渚散枕寒潮響菰洲江燕雨吹琴薦濕鯉魚風

颭釣絲柔詩題綵筆天吳泣書照青藜太乙遊夜

文光貫牛斗南陽肯作卧龍休

章節菴

名洪字文海號節菴

題鈎勒竹

葉<sub>二</sub>低垂金錯刀滿林秋意夜蕭騷玉簫聲裡天風  
急吹落池頭白鳳毛

秋潭僧畫墨葡萄



蒲團枯坐罷楞嚴漫寫驪珠上素縑金刹夜深香斷  
後月華猶照水晶簾

送秦景美之金陵次陳行之韻

別時正值百花殘木葉秋黃擬棹還一水白連青草  
渡五雲光動紫金山詩壇風月休孤負塵世功名是  
等閒他日論懷何處好太湖南畔草堂閒

吳管窺

名紳字鵬舉號管窺所著管窺集牡丹百詠

和陸懋成見寄

白頭相對話情親瀟灑襟懷忘主賓種菊擬尋彭澤  
宰看花不數洛陽人湖山有趣消磨酒風雨無情斷

送春惟有洗心亭上月餘光分得照吟身

寄王思軒先生

三年不睹翰林詩北望長安動所思白髮催人嗟我  
老丹心許國有誰知上方玉食晨頒處中使金蓮夜  
送時甚欲緘題遙致問江天寥落鴈來遲

贈吳江汝思善

風吹柳花三月春澄江草堂來故人掀髯一笑話疇  
昔老懷傾倒情何真剪燭連宵共詩酒浮世黃金果  
何有明朝酒醒各天涯一度相思一迴首

錫山遺響卷之八

錫山遺響卷之九

許戶部

名慶字仲樂號綱菴正統乙丑進士累官戶部員外郎

贈吳伯禮先生

當年苒惹竟成寬  
遂上秋風萬里船  
青草湖邊空有淚  
烏紗巾上豈無天  
冰霜歷盡春還到  
鄉井歸來璧已全  
多少南冠未能釋  
白頭猶自守蠻煙  
壯歲長歌行路難  
而今方喜釋南冠  
故園弟妹蕭條盡  
絕塞將軍禮數寬  
江總還家鷗社暖  
杜陵辭蜀草堂寒  
老懷不作天涯夢  
高卧東山一枕安

徐文式編脩拙章

金馬仙郎卽蓋棺青綾夢斷夜生寒茂陵遺稿無封  
禪洛下才名有治安樹表河聲流客恨省中春色付  
誰看一杯寒食梨花飯不似天廚飽大官

送倪汝敬謫官宜山

皂囊朝捧入承明夕泛孤舟萬里行補袞有才人共  
惜出關無節吏還迎夜郎月白空歸夢銅柱雲深薄  
宦情此後陰晴殊未卜重來江郭聽鳩鳴

贈劉都憲致

故人天上騎驄馬逐客江南學老農萬里經營懷召  
虎百年豪邁負元龍昆明日暖陪春宴閭闔雲深候

曉鐘有約相逢何處是秋風江館採芙蓉

奉命南宮寵渥新豺狼何處避車塵野芹欲獻無通  
使青眼相看有故人翠管銀罌非昨夢石田茅屋自  
甘貧霜臺只尺無由至空負陶潛漉酒巾

送人之湘南

聯鑿並出涓城東笑指垂楊說漢宮往事總成春夢  
裏離情都付酒杯中青楓江上孤舟月黃鶴樓前一  
笛風此去定膺宣室問莫因行色候征鴻

挽聶大年先生

年過半百始登瀛十八人中最老成筆草相麻元有

恨鵬來賓館卻無情燈前夜雨消歸夢江上寒潮送  
犬聲萬古玉樓消息斷傷心惟有魯諸生

黃杏軒

名禕字公禕號杏軒  
所著有臨川流響集

南原望漢宮司空文明韻

昔家宮闕舊時名回首荒原一掌平  
冉冉煙花愁裡離禾黍亂餘生  
灑陵西去空遺迹渭水東流不  
一亡何必問秦山依舊暮雲橫

襄陽劉文房韻

老去憐君兩鬢蓬萬里相逢遷謫  
離中寒城鼓角荆門月極浦帆檣漢

口風歸到襄陽會著舊天涯  
念阮途窮

登柳州城樓寄漳汀封連四州柳子厚韻

垂老那堪謫遠荒憑高一望景  
蒼茫桺榔熱霧迷官舍  
薜荔陰雲覆女牆水散蠻溪  
分燕尾路穿瘴嶺轉羊腸  
同時淪落天涯客白首何年返故鄉

別舍弟宗一柳子厚韻

弟兄分手各悽然路入黃茆  
瘴海邊萬里傷心嚴譴日  
一官垂老未歸年山川牢落  
非吾土雲樹微茫接楚天  
夜雨彭城那復會鴻原回首隔蠻煙

題李侍御金門待漏圖

白簡飛霜拂面寒金門鵠之夜將闌中心自保全孤  
節直道還期正百官王珣無風聲向寂銅龍有水滴  
來乾皂囊封事平明進誰說君臣際會難

登莫文懋望雲樓

高樓百尺與雲齊老子思親有所棲黃鶴夢迷遼海  
遠青山影沒楚天低梁公延佇勞凝望崔顥登臨廢  
品題倚遍闌干倍惆悵故丘松柏晚淒淒

楊都憲璿挽章

功業文章際盛時孤忠耿々有天知幽燕秦晉三持  
節河洛荆襄兩出師霄漢故人多晏樂風塵遠道獨

驅馳峴山回首無消息千載重留墮淚碑

前邑宰李恭妻截耳殉死

并刀落耳豈徒然誓志從教不貳天一命未亡三十  
歲寸心先到九重泉承家有望孤兒在處世無慚大  
節全剔目可憐盧氏女他年青史竝流傳

楊膳部

名璿字叔獻號文厓叔璣從弟  
景泰甲戌進士累官禮部郎中

封延平知府盛文珪挽章

兩度封官被寵榮中年柱史老專城碧山學士才同  
調畫省賢郎政有成社散耆英人已去鶴歸華表月  
空明至今東廣遨遊處重義輕財說今名

題畫鼠

滿腹費幾何無功胡弗耻昨日值嘉平迎猫亦徒爾

秦卑牧

名霖字潤孚號卑牧以子金貴封戶部主事所著有卑牧吟稿

遊九斗壇次楊侍郎叔璣韻

雲霞漲山赤如潑象緯森羅逼天闕千年老樹當洞  
門雨濺雷轟半摧折靈潭有龍長貯泉神開鬼鑿知  
何年人言九斗昔留此至今傳是古洞天洞中寒冽  
不知暑石乳娟娟滴如雨異境登臨想至人欲訪仙  
踪渺何許

寄懷廷韶從弟

弟兄相別雲泥隔江漢屢驚鴻雁來為客每憐稚  
面看花時憶共斝杯夜半風雨人千里春草池塘夢  
幾回江海極天消息遠老懷何日與君開

挽莫文懋

一代人豪重士林望雲樓上慣登臨龍章未拜恩封  
勅璽帛俄裁禮斂衾作槩釀餘觴客酒檢囊捐刺易  
書金舊游漸盡湖山在蟻社盟寒感慨深

癸丑春聞金兒禮闈試捷喜而賦此

橋門辭講扣天闕黃甲新參進士班金殿傳臚聽鳳  
詔玉階齊仗覲龍顏已刊姓字聞天下好立功名在

世間獨鶴也知榮幸事春晴隨我看青山  
泥金飛帖寄平安老眼空浮笑看祖澤有源流不  
盡君恩無限報尤難言身要在師賢哲輔世還期作  
好官拚卻賣詩錢一索賸沽春酒速賓歡

讀岳武穆王褒忠錄二首

金牌十二詔班師狗彘難奸作禍機五國君王思艮  
嶽兩河豪傑解戎衣殘碑字字書忠孝曠世人說  
是非猶勝諸陵肆樵牧冬青無樹雨霏  
賊檜甘心事虜酋岳王冤憤死奸謀一休外閩二千  
士半失中原百二州青史有名齊李郭黃泉無愧

伊周栖霞嶺下東西樹鬼哭猿啼夜秋

偶書

藤牀白簟青軟飽高眠午夢醒推枕起來無個  
事水邊闌檻看山凭

宿王氏山房

愛爾房櫳靜藏脩歲月長米囊花孕子書帶草生香  
簾晚山橫翠牕虛竹送涼我來乘雅興得與共徜徉

牧牛圖

水遠知牛渴牛饑願草深還憐子民者不似牧兒心

陳玉溪

名公懋字行之號玉溪又號錫谷老人所著有錫谷詩文集

不寐懷范緝熙

山空涼露墜夜色庭戶靜美人天一涯相思覺宵永  
攬衣起徘徊微月出東嶺寂澹無言虛壇落松影

子胥廟

江上潮聲日夜流鴟夷未散霸圖收虎狼敵國英雄  
恨麋鹿荒城鬼魅愁西子捧心終作崇越王嘗膽始  
成謀一人存失興亡繫楚水吳山盡是秋

張俊墓

湖山有骨葬重泉惆悵青衣杳莫旋偏業復成南渡  
日中原無復北歸年荒涼古寢頽秋雨零落殘碑濕

暝煙武穆墳頭春滿樹時

簫鼓廟門前

四時古宮詞

沉香亭前花作團綉簾紅霧春漫溫泉水滑東風  
暖三十六宮眉黛寒羯鼓聲高月明裡君王已醉妖  
環侍別院深沉歌舞歸海棠含嬌不成睡銀燭金爐  
翡翠翹羽衣和月並吹簫願將歡樂度芳宵明日君  
王免早朝

右唐宮春景

館娃宮中暑氣涼荷葉荷花滿意香美人飄搖雙鳴  
璫新裁白苧舞衣長烏啼河漢夜未央吳王醉後欲  
更棠絳紗熒燈燭光紫衣小隊列成行歌聲窈窕



入洞房洞房華月遲，曉君心相樂難相保顏色承  
恩幾回好秋霜愁殺芙蓉老

右吳宮夏景

瞳、日色昭陽殿獨有承恩趙飛燕秋風蕭蕭殿角  
來班姬泣恨悲團扇恩情棄篋中寂寞自歸長信宮  
銀漢迢迢望牛女玉階涼露濕梧桐南宮歌管西宮  
靜明月空懸秋夜影舊賜羅衣徒自香遲、愁思漏  
初長分明夢裏君王近同輦那堪出建章

右漢宮秋景

巫山冥、湘水寒美人脩、翠袖單章華宮中夜擊  
鼓矍毬滿堂雪花舞陽臺報道楚王歸萬炬通明啓

牕戶玉尊灑、屠酥酒鳳、箏龍管行相奏細腰起舞  
向君壽萬歲千秋願無咎年、奉君、樂否

右楚宮冬景

辟纊伴讀為潘繼芳題

少時不知母心苦欲兒成人立門戶母老啣恩徹骨  
深母亦不知兒痛心苦心已去痛心在堂中日、春  
如海辟纊伴讀為詠歌自至天白日將如何

綠雲深處同聶大年賦

門外紅塵深復深竹寒松翠自蕭森落花滿地無人  
到啼鳥數聲何處尋亭上清風涼欲雨山中白日晝

成陰最思長夏消煩暑也者我題詩一快吟

題小蓬瀛軒三首

芙蓉窗戶赤欄橋瀛水接迤山路不遙喚取仙人千石  
酒海棠花底慢吹簫

花香歷亂瀛洲雪峰色依微閨苑霞地入幽源疑隔  
世人臨虛閣似乘槎

澗頭綠水流花淨谷口青林送雨涼銀鶴舞空秋澹  
澹玉笙吹月夜茫茫

登莫文懋望雲樓

朝登樓兮望西山暮登樓兮望西山不見先翁地下

顏只有山頭雲往遠雲兮雲兮若精爽恍忽無中還  
有象暖風晴日想怡愉晦雨寒煙見悽愴三歲呱  
親已失親顏未識心能識一度看雲一度思天荒地  
老無窮極嗟寡母易白頭同藏西山雲一丘更築  
階基三百丈海天影裡重登樓

秦東臯

名瑞字京美號東臯所著有東臯集

消夏灣

在洞庭山

半園流水半園山說是吳王消夏灣玉輦翠華空寂  
寂澗花林草自斑二千年佛殿深雲裡幾處漁舟落  
照間只有伍胥心不死忠魂常與怒濤還

太伯墓

梅村東去皇山上高出勾吳太伯墳萬乘不親惟禮  
義二儀相接正氤氳狐狸滿路悲秋雨鳳鳥無聲隔  
暮雲再向千年看季子後來辭讓只虛文

范蠡城

兵家輕發是亡師二十餘年計弗遲主辱豈堪防烏  
喙功成猶自感鷓鴣夷風塵渺夫椒恨煙浪茫笠  
澤思海舶未遙臣種死留侯能不一攀追

華寶祠

周孔去來人道弱悠然見子表南齊終身父命難違

背萬古天心豈繆迷青簡孝名垂宇宙白頭遺像照  
山溪舜之不告緣無後若解行權也可妻

陸子泉

達人不作千年計志士長懷萬物情鴻漸自能耽此  
水酪奴因得悞先生魂迷夜月林間路夢斷秋風谷  
底鐺嗟我辛勤頭已白一瓢將可挹餘清

弔岳鄂王

兀木倉黃泣宋旌金牌忽爾促旋兵將軍身死心難  
死宰相謀成國不成腹背幾時除痼疾中原千里失  
長城惟餘父老當年淚添得江濤萬古聲

初到包山

當年角里曾遊處，千載秦郎更一遊。世故於人何日了，風光須我幾時留。湖心水泛金鰲影，洞底天涵土柱秋。要看乾坤無際景，從容還上五峯頭。

懷沈廷順

青山影裡鬢髮凋，土屋藜牀暫自堪。一曲清歌天遠近，半壺殘酒月東南。未能高論傾人耳，儘解低頭聽客談。瘦沈不歸秋色已，晚幾迴孤夢到江潭。

包山燈下

忽：真成雪滿顛，孤燈悲喜客窗前。風塵零落三千

句，花草羈縻四五年。意欠快時翻有味，事難中處更無權。凭誰寄語希夷子，分我雲山一醉眠。

老岸

老岸高楓點綴清，紫萸黃菊滿園生。醉鄉卻被雲遮斷，秋思都凭雨做成。心上獨留千大厦，窗間空負一孤檠。兒童不識吟詩意，笑我噫々作凍聲。

錢希翁

名文字章靖號希翁所著有在臺江東諸集

上家山追和五噫歌

卓彼高士東漢賢，噫浩哥黃鵠飛翩々。噫適吳寄跡此山間，噫井臼千秋傍雲泉。噫世無伯通子，所憐噫

貽隱士

樹蒼々兮極浦山靡々兮遙天  
悵離群兮獨去思夫  
君兮悠然

夜步

睡熟城中十萬家老夫乘興步江沙  
白龍西浦青楊樹樹掛起蓑衣月正斜

灤上

帖天河漢影西流絡繹莎雞一片秋  
草帳夜涼人臥病老懷添記世間愁

紀興

安穩茅柴屋數間起來開眼見南山  
千帆白日牆頭過一鳥青天樹杪還

題菊

野菊斑々澹日華青天如紙鴈行斜  
寒香留到冰霜地不見江南百草華

漁村夜詠

竹榻無眠夜始遙草蟲催織競嚶々  
秋來風水生涼冷憶在吳淞第四橋

學邵

萬般題品滿囊詩詩是樵仙睡覺時  
沙鳥水花間意

思午風宵月好襟期一瓢春裡尋顏子八卦源頭見  
伏羲拈起筇枝行腳去東西南北老天隨

同盛中丞宿惠山松風閣

老卿文采壓江淹挈我高栖發野潛松閣靜臨龍虎  
窟瀑流寒掛水晶簾正須時節黃荅好肯愛川源碧  
草纖夜半惠連詩夢破諸天星斗共清嚴

鶴跡無能嘆久淹偶隨時躍與時潛九峯寒照天平  
帽一壑翠濤風滿簾玉應金和逢勝事今來古往付  
穠纖兩忘人勢何多幸卻笑山僧律戒嚴

上曹蘇州

錦綉吳城第一州使君名重古諸侯凝香閣靜民皆  
化毀廟文成鬼亦愁百萬糧儲資國計三千兵甲壯  
邊謀布衣堂下題詩句笑放春光照白頭

二喬觀書

卯金四百天祚衰中官蔭子萌禍胎英雄入除君側  
惡冥氛祲無三台兵家自古崇奸詐虎鬪龍爭滿  
天下三分割據世可知遂有曹劉起圖霸喬公二女  
如姬姜六韜三畧論毫芒危機一變喪淳古陰盛陽  
微天雨霜大喬已作孫郎妃小喬又作周郎妻運籌  
制勝妙無敵誰謂頗牧生深閨北風怕見南風起烈

火齊燒舳艫尾孟德零丁匹馬逃檣櫓灰飛付流水  
美人睡起臨粧臺今朝露布江東來主君一笑千花  
開趙括元知非將才君不見昭君遠嫁龍沙域薄命  
輕塵恨何益華清宮中第一人賺煞三郎死傾國何  
物女子天賜恩妙質高名振今昔癡兒重色輕乾坤  
比花解語玉生溫周南窈窕懿家範金革可乘風化  
原為虜為王幾場夢画師此意成何論君不聞百萬  
骷髏夜啼哭成敗茫茫如轉燭何處江天一笛聲細  
袖尊前正彈曲

答施克榮贈雙鶴圖

也卿家藏雙鶴圖平斗黃金不容易贈我掛于高堂  
之素壁滿眼蒼々歲寒色兩莖老竹石上青點々梅  
華開曉晴松雲深護鶴棲處大谷長山人不驚一鶴  
飲啄一鶴長鳴物雖異類關乎人情未隨丹鳳舉鶴  
也徒有靈局々徐行抱秋思莓苔跡印縱橫字半夜  
聲聞山月高巴童寡和陽春意施卿施卿文章有神  
交有盟筆落風雨天機精老夫詩成請之寫正々旌  
麾掃退百萬之雄兵筆筆以配我詩詩以配卿筆雀也  
清可人天趣合為一爾我風期等雙鶴肯來一旦登  
寥廓瑶臺天上鳴相酬千歲還山意如昨

古結交貽施克敏

綠陰當晝融南風吹海舶仙鶴下瑤池小鳥徒千百  
炎天飛嚴霜浪蕩無家客世故愁人心鬢髮一夜白  
歲寒色青尚有雲石柏不涉萬里險那知泰山超  
君心迺先覺丘澤同五口樵遜志尋孔樂和音協虞韶  
金石之素約雲霞此真交興來忘物我沈醉月滿瓢  
起奏庖犧琴大質無新操殊功祇自間一德不報  
金龜付酒家木佛供茶竈偉然遜脩子至理得深造  
神化流玄間同歸復同好

戎教諭

名繪字堯章號質菴正統丁卯鄉榜歷任鹿邑閩定陶三學教諭始終長子

寫懷寄莫善禮

一從仕版薄名羈懷抱匆恨數奇綠酒漫酬黃菊  
節青山深負白雲期新豐獨客空資策洛社同遊幾  
動思丁囑鳴鳩聲暫緩老農何地不相宜

題寓安堂

草堂新構灑之濱釣月耕雲更可人尊酒且謀今日  
計山林隨分此生身暖風燕子尋常到晴雪梅蒼著  
處春何用別尋蓬島去分明大易示敦仁

徐南山

名壽字延齡號南山所著有蜩鳴集

王昭君



紅粉和我別漢家雙垂玉筋濕琵琶憑將萬死酬明  
主不怨丹青筆底差

潘杏虎

名寶字時  
用號杏虎

次韻范緝熙秋懷

秋至悲暮景南山亦蒼々高梧改革姿素葉飄中堂  
傷哉百憂集余心獨彷徨東林吐明月四野含清光  
佇一望斗牛涼露沾我裳愛此衆躋息塵慮澹相忘

暮春過南浦

江上人家春水湄桃花短々出疎籬可憐十日東風  
惡紅雨滿林啼竹雞

過尚古兄隱居

匱匣茅簷住灑西燕巢新補落花泥長鑱欲把山中  
去見說人參葉未齊

張福州

名遜字時敏號鈍軒由丙子鄉舉歷官福  
州知府大學士李西涯文以序其異績

南郊陪祀

弘治丙辰歲

雨霽鸞輿出九門遠臣陪祀荷深恩戒傳

玉殿嚴三宿饌出天廚賜兩餐環珮聲疑雲外振

貌貅隊向日邊屯燔柴應有馨香達封禪無書惑

至尊

劉槐庭

名容字伯宏號槐庭

雪兔

北山雲暝雪齊腰老鶻獐然立樹梢長嘯一聲風颯  
颯草間狐兔總魂消

錫山遺響卷之九

錫山遺響卷之十

秦方伯

名夔字廷韶號中齋天順庚辰進士  
官至江西右布政使所著有詩文集

送大司馬程公南征

雙旌遙指洞庭西萬里籌邊息鼓鼙玉帳夜寒刀斗  
急轅門秋黑陣雲低腰間龍劍懸秋水篋裡天書照  
紫泥會有恩威及南服犬狼相繼入封提  
清時承詔翦群凶南徼新兼節制通蜀地風雲藏陣  
略楚山猿鳥避兵鋒金笳謾咽三更月鐵馬長鳴萬  
里風從此遺黎沐王化盡銷兵甲事春農

聽松菴復竹茶爐

烹茶只合伴枯禪，誤落人間五十年。  
華屋夢醒塵冉冉，湘江魂冷月娟娟。  
歸來白壁原無玷，老去青山最有緣。  
從此遠公須愛惜，願同衣鉢未相傳。

與沈時暘遊張公洞次潘繼芳韻

洞門深合氣濛濛，人在先天太極中。  
老翠撲衣渾作雨，綵雲垂地不驚風。  
仙壇只尺無人到，弱水三千有路通。  
欲訪張公問真訣，夜寒官炬半銷紅。

松風閣養病期潘繼芳不至

春泉半涸銅瓶冷，高閣蒼茫落餘景。  
作詩聊噫水仙魂，何事東風吹不醒。  
社中佳友期不來，門前積雨荒

蒼苔病懷牢落誰相慰，賴有佯狂老萬回。

和司馬通伯夜坐有感韻

仕路無媒雪鬢寒，枝頭黃姑抱香乾。  
冰山富貴從人競，雲雨交情洗眼看。  
羅雀已空廷尉宅，沐猴誰製楚人冠。  
唾壺擊碎吟懷惡，數盡長更睡未安。

舟倚蒹葭夜氣寒，長河水合水聲乾。  
離情有限尊前寫，勛業無憑鏡裡看。  
萬里江湖雙短鬢，百年天地一儒冠。  
春風忽報薔薇老，回首東山憶謝安。

觀瀑亭

麻姑之泉天下名，有泉不可無此亭。  
作亭觀泉亦偶

爾解使俗眼常醒。奔流直下蒼崖裡，千丈玉龍飛  
不起。萬古長流無盡時。吾道之淵源亦如此。鏗金碎玉  
聲潺湲。恍惚置我匡廬間。銀河句好續不得。日暮悠  
然騎馬還。

陪伍憲副遊麻姑

霜臺先生老詞伯。携我同上蓬萊宮。寒岩古樹栖一  
鶴。石竇飛泉垂兩虹。山中日月不可老。洞口桃花常  
自紅。神仙有無何足問。獨立蒼茫懷魯公。

重登觀瀑亭

三生老守真緣薄。未得匡廬五老游。今日新亭看飛

瀑百年高興也應酬

境屬仙家便異常。嶺頭群石臥如羊。方平去後麻姑  
老麟脯無人合再嘗。

春日省耕便道之麻姑

迎仙橋上花冥冥。通會郭前春草生。歡聲夾道民吏  
迎。爭言使君來省耕。使君十年專兩城。武昌樊口舊  
所經。政令未一民未寧。耿。徒有憂民情。爾時郊原  
雨初晴。嫩寒着人羅袂輕。桑枝拂地雉不驚。野蚕欲  
眠啼亂鶯。羽人白髮衰顏頰。勸我遂作麻姑行。麻姑  
山高天下名。芙蓉插天真削成。石厓崢嶸龍虎爭。赤

日下照玻璃明山頭飛泉匹練橫下注千尺寒潭清  
中有仙人吹玉笙傳是晉代王方平紫綃衣裳織翠  
翎翩然乘風下雲輶千年往事誰足凭魯公文宇昭  
日星穹碑峩々立山扃上帝呵護煩六丁後來羅公  
當代英指斥前輩譏仙靈詞源滾々三峽傾道在不  
作荒唐鳴老禪詩竟呼不醒醉來得句誰與評仰天  
一笑氣拂膺蒼煙落日回雙旌

楊聽玉名理字叔理號聽玉叔幾從弟

題碧溪草堂

碧溪風景勝愚溪繞屋離々野樹低春水一陂天上

下菑畬百畝讓東西捕魚小艇通花港逐隊間鷗浴  
柳堤未必此身終隱逐月中還步最高梯

莫雲樓名懋字文懋號雲樓所著有雲樓集尤善書畫

閱耕

策杖看耕鋤拖雲出深谷回頭日未斜還可將書讀

題畫

危々孤峯高磊落在天地寫作畫圖看濕雲飛不起

施黃州名度字彥章號敬齋由太學生任黃州府判

和張內翰亨父莫春感懷

杜鵑聲裡又春回且就間牕對酒杯細雨林花和恨

落東風江燕逐人來懷君漫有看山約老我曾無補  
衮才更有餘情何處寫夕易江上一登臺

同汪翰林伯諧遊月河寺得栖字

並轡尋幽踏軟萋禁城東去入招提松間坐石逢僧  
話柳外凭欄聽鳥啼風散天華翻貝葉雲來丈室濕  
伽黎何當謝卻紅塵事結社長分半榻栖

贈別錢文祥還馬蹟

湖北湖南兩地分十年始得一逢君鬢添華髮驚相  
問醉咏新詩喜欲聞此日清尊酬舊約半生高義薄  
層雲買舟便欲還山去愁對斜易立水濱

瑤楚石

名道瑤字楚石號涇寓住惠山寺後薦為南京僧錄司左覺義

重易日陪李舜明楊叔理遊靈谷用王祭酒廷  
貴韻

松下清齋五合陳蓮花滴漏又侵晨白衣送酒成佳  
會黃菊飄香正此辰雨打斷碑微有字草生荒徑自  
無塵勞多少長安客能解閒行有幾人

攀羅直上最高層路黑雲深月可乘草蔓荒臺空寂  
寂遊人還說講經僧

日晚群山紫翠深土臺荒砌亂蛩吟六朝事業空遺  
恨惟有江流自古今

盛雪溪

名願字時正號雪溪水壑母第

題龍縫泉

龍泉如線發山靈地闊天開未定名落沼澄清雲有影騰空霏潤雨無聲竹竿遠愛山僧引石壁猶存太守評近較季疵亭下水清風兩腋一般生

楊司訓

名纓字士瞻號立齋中成化戊子鄉榜任建昌府學訓導所著有蛙吹集

乙未歲赴春試任丘道中即事

三陽燕冀地寒氣逼衣巾土脈猶封臘林梢未漏春荒城明野燒旅店雜羈人望斷鄉關路酸風起獵塵

次潘繼芳感懷韻二首

年光隨水去堂堂高臥林泉霧豹藏野寺秋雲雙短屐山房夜雨一方牀文豪豈獨如韓子詩瘦應兼似沈郎後日相尋同結社梁鴻溪上駕輕航結屋龍峰面翠屏考時紀日有堦莫杜陵憂國多愁思阮籍窮途感容形兩鬢旋添新髮白一身猶坐舊檀青閒居謝卻紅塵事門掩蒼苔養性靈

俞教諭

名鑑字武元號蒿菴弘治己酉貢士任長興縣教諭

乞養家居謝善禮姻丈見過

家慈垂白病添臞相見頻煩問起居行畏地崎扶有杖舍遠江遠食無魚交游眼底誰知己寂寞城南一

草廬幾度凭軒重懷感似君高誼世應疎

施北野

名廉字彥清號北野本縣醫學訓科所著有己未稿

乙巳歲應 召之京留別諸友

星言夙駕趨嚴召淺薄深慚負盛時富貴本非吾輩  
事山林難忘故人期誰言筋力堪供職自許心情不  
廢詩聞殺江南書畫舫杏花春雨夢中思

京邸寫懷奉寄社中諸老兼柬鄰僧

得失無煩問塞翁漫將高興寄冥鴻宦情世事秋雲  
外月色雞聲曉夢中天地惟應同逆旅山林原不負  
諸公鄰僧好為看詩社少待東歸理桂叢

長安多病一衰翁蹤跡真成踏雪鴻為士久忘貧賤  
裡封侯寧羨笑談中文章北斗推韓子花月東山憶  
謝公莫恠西風動歸興故園松菊已成叢

與蕭給事文明同宿惠山

捧檄南來不憚遙星槎萬里渡秋濤江風海月留題  
徧箐雨瀘煙入夢勞未必此游成遠別且須痛飲讀  
離騷丈夫出處隨榮辱珍重平生慎所操

風雨禪房兩夜留故人情意最綢繆壯懷對酒歌聲  
激漸老談詩趣味投客旅不忘山水樂江湖長繫厖  
堂憂南荒此去須珍重況有賢郎慰白頭



拜命朝看出帝都蒼茫卽日就長途百年眼底誰豪傑  
萬古人間此丈夫嶺海風霜臣節苦蠻江煙浪客  
舟孤悠々往事何須問天際浮雲任有無

戊午二月朔喜潘玉林至

我有屋數楹密邇青蓮宇永謝聲利徒時枉文翰侶  
朝看松頂雲莫聽竹間雨於焉卒歲年清風慕巢許  
清晨梳我頭呼兒掃茅宇蔬果間樽壘展席集朋侶  
釣簾對青山蕭々落疎雨握手忍分違相思渺何許

挽樊節婦

禮義在天地炳煥如陽春五色詎能垢四時不爲新

紀綱賴以立彝倫藉其淳女得爲節婦士得爲忠臣  
眼中幾百年再見樊氏珍十八嫁夫婿廿三喪夫身  
摧動欲絕命所繫懷中娠黃河有時竭此恨喪時伸  
惟有一寸心可以昭蒼旻鄰里聞節婦涕泗皆沾巾  
道路聞節婦肝腸悉酸辛三十七春秋冰霜意難陳  
青山照白骨哀々兩騏驎我歌以爲挽聊寫平生真

陳戶部

名昌字嘉謨號惺泉成化甲辰進士累官戶部員外郎

感懷用吳克溫太史韻

小牕燈火客愁多未飲先酣恠酒魔五十功名成潦  
倒廿年交誼藉漸磨謾論明月清風價誰和陽春白

雪歌幾度欲歸之未得一身牢落竟如何

呂御史名直字宜中號泉亭成化辛丑進士累官監察御史

次蕭黃門登山海樓韻

高山深海險無雙到此何人不受降四海衣冠沾聖化百年沙漠靜胡腔形如拱北千峰立勢欲朝宗萬派撞誰侶先生歸舊隱飽觀睽槩坐南牕

岷府分封送同年李惟誠

簡命分封出帝州青春奇絕是茲遊九龍旋繞銜天語駟牡奔馳走傳輶赤壁磯頭傷往事岳陽樓上弔前脩白雲黃雀悠々趨都屬仙郎筆底收

題傅學士先生尖岡卓筆

世家渝水月池上萬仞尖岡此奠安直氣不磨凌物表浮雲淨掃在毫端擎天一柱垂今古拔地孤根歷歲寒我欲相隨登絕頂長風萬里看鵬搏

城東避暑次廉伯陸先生韻

避暑城東十里行傍人休詫是逃名丹厓碧水開仙府鳳閣龍樓仰帝京冠蓋登臨增地勝笙歌清絕帶泉聲慚予歸自西臺晚未得相逢共咀英

暑氣蒸人欲濯川群公郊野喜鑣連追涼合坐池邊樹醫俗還尋竹裡屨耕鑿不知恩侶海笑談忘卻日

如年詩成東閣霄崢句留與君家作勝傳

莫兵部

名驄字曰良號願成化甲辰進士累官兵部員外郎

鳳陽謁

皇陵

翼

皇陵

皇考之靈實胚我

王聿康我氓○

厥初我

王潛龍在田眷顧不違命寔自天○醜彼

犬羊蹂我中土裂我冠裳禮樂攸斁○於赫我王

驅雷駕風天戈載揮腥穢蕩空○於赫我王天縱

無前弔民伐罪如日行天○四方既平萬邦來刑紀

綱禮樂載秩載興○山川人物去晦就明歡喜而

鳥和而鳴○天生我君皇考是昇聖為天子

皇考攸啓○皇陵翼報功崇德億萬斯年天眷无

忒翼皇陵九章章四句

毫縣道中聞僭陳八事准行感恩有作

君子方滿朝左右列監史云胡葛美言亦敢瀆

天子天子不鄙夷采擇蒙准擬燭火附太陽微輝

聊自試姑媿轉泥丸薄言單厥技豈敢徼時名亦盡

此心耳

過廬壽有見

廬壽帶合肥自古必爭地况是輦轂區武備豈宜弛

將佐樂溫飽士卒忘擊刺山川深阻處流民無統紀  
攘臂或一呼吾恐欻然起盡說防三邊心腹亦須理

過項羽廟

夕易旌節駐烏江江上人猶說霸王再向江東也  
无益將軍不善用人長

南歸與如山弟夜話

羸馬十年驅兩京五更風雨夢彭城西樓月白霜寒  
夜共牧前生未了情

為白司寇題畫六首

白石青林不受塵讀書聲裡過殘春小舟榜在溪亭

側懶逐天風動要津

君王勅賜鏡湖春放雀歸來夜色分殘醉未醒風露

冷斷崖蘿月白紛

萬里長風渺去船白龍吹浪水連天斜易幸得同無

事到岍何須較後先

兩岸青山夕照遲蹇驢馱醉漫尋詩松間或有前呵

至京地于今是故知白公曾為應天府丞

萬山晴色一囊琴夾岸長松十里陰天上故人歸未

得草堂花雨晝沉

黑風吹雨暗江東十萬人家水氣中渡口有舟人不

見滿蓬空載落蒼紅

登太牢山絕頂

星軺飛度太牢巔景物全收杖履前岱嶽西來嵐作  
雨蓬萊東去海吞天紫芝香散清風嶺金液寒分玉  
洞泉道士莫誇仙境好前身我亦是神仙

青州松林書舍

寇富范三公遺像在此

眼中王佐古來稀到宋諸公信可師一代安危繫生  
死兩間名譽照華夷義高泰岳峰撐日惠及川源水  
侶飴州中有范此日拜瞻空洒淚恨無奇策濟流移

拜雙忠廟

天子蒙塵蜀道難小臣竭力保東南江淮得免長驅  
患將佐親供百戰酣勳業不收知有數天人同貫許  
誰諳平生仰止高山意淚洒西風拜再三

登泰山

一崖聳之一崖懸雲磴真從鳥背旋絕頂濕雲寒化  
雪中峰和日暖生煙崢嶸合為堪輿忌神秀偏鍾造  
化全願祝萬年無震動主張坤道助乾元

談敬義

名縉字朝章號敬義所著有詩文集

書莫節婦王氏傳後

十年奉箕箒南笄生鳳雛雛羽未五色良人竟先殂

堅持水蘂操白首不忍渝雖能終返哺母願久矣乎  
今往見良人無慚有歡娛萬事浮埃泯寸心明月孤

錫山遺響卷之十終

吾無錫為尚中郡為邑代有  
名流節義文章之士載在  
史誌恨未弘步一紀也至於經  
濟之暇高傑之才跌宕之思  
貞逸之操憤激之氣皆亦

詩歌焉。後之雖無意于傳  
不傳。生於其後者。孤甚然。亦  
為之感。發於邑儒士。翟公  
厚。潘繼芳。相繼。裒集其好  
賢。樂善之心。固弓不弛。已存若

余。儒。卧山中。杜門。却掃。  
謝絕。世務。因僭。加裁。定之。凡  
十卷。目為。錫山。遺。學。俾。傳。誦。  
永久。一展。玩。間。不起。秦。岳。人  
之。嘆。地。靈。人。傑。殆。相。符。否。亦

騷壇之一快也借文湮沒而不  
傳是亦數了——噫豈特詩  
然哉

弘治乙丑仲夏吉尚進士邑人莫息

跋





